

## **EZ OHIKO ETA URGENTZIAZKO UDALBATZARRA**

Errezilgo Udaletxeko Pleno Aretoan, 2008ko otsailaren hamabian, gaueko bederatzia eta hogeirenean, bildu dira, ez ohiko eta urgentziarako udalbatzarra egiteko ondoko Korporatiboak:

Iñaki Oiartzabal Zinkunegi-Alkate Lehendakaria

Joseba Iñaki Labaka Beristain-Zinegotzia.

Bittor Astigarraga Zugasti-Zinegotzia.

Luis Berrondo Lanceta-Zinegotzia.

Luis Artzallus Amenabar-Zinegotzia.

Iosune Arruti Eizagirre-Zinegotzia.

Jose Luis Albisua Lasa-Zinegotzia.

Idazkari lanetan, Leire Arteaga Zumeta Udaletxeko Bitarteko Idazkari Kontuhartzailea.

Alkateak hasera eman dio bilkura honi ondoko gai zerrendaren arabera.

### **1.- ANVREN JARDUERA MOZKETA ETA ILEGALIZAZIO ESKAERARI BURUZKO MOZIOA.**

Alkateak Luis Artzallus Amenabar zinegotziari eman dio hitza. Honek ANVren jarduera mozketara eta ilegalizazio eskaerari buruzko mozioa irakurri du.

Alkateak hitza hartu du esateko ANVren jarduera mozketara eta ilegalizazioarekin ez daudela ados baino goi mailako politika dela kontsideratzen dutela eta ez direla sartuko. Mozio horren aurrean aurkezteko beste mozio alternatibo bat ere iritsi zaiela baino ez dutela aurkeztuko.

Proposatzen da:

1.- Udal honek oso larritzat jotzen du espainiar estatuak EAE-ANV indar politikoaren suspentsioa erabakitzea. Erabaki honek Euskal Herriaren eskubideen aurkako eraso bortitza da eta independentzia helburu duen herri sektore zabala kriminalizatzea du helburu, Euskal Herriaren independentziari ateko ixtea.

2.- Udal honek herritarren borondatean du oinarri, hortaz, herritarren borondatearen aurka egiten duen lege edo erabakiei ez die inolako zilegitasunik aitortzen.

3.- Udal hau ez dago herriak aukeraturiko ordezkariak legez kanporatuak izatea onartzeko prest, hortaz, bere babes osoa eskaintzen die EAE-ANV udal taldeko kideei eta erabaki honetatik eratorri daitezkeen ondorioei aurre egiteko konpromiso irmoa hartzen du. Hori horrela mozioarekin batera aurkeztu den Neurrien Zerrenda onartzen du udal honek.

4.- Udal honek proiektu politiko guztien bideragarritasuna aldarrikatzen du, independentzia barne. Hori da, gainera, Euskal Herriak bizi duen gatazkari konponbidea emateko bidea, euskal herritar guztiak proiektu guztien artean erabakitzeko eskubidea errespetatuko duen marko demokratiko bat eraikitzea, hain zuzen ere.

5.- Udal honek erabaki horri aurre egiteko deituko du, lemapean, eta herritar guztiak parte hartzera deitzen ditu.

6.- Onartutakoaren berri emango zaie herritar guztiei zein hedabideei.

EAE-ANV UDAL TALDEAREN ESKUBIDEAK BERE OSOTASUNEAN BERMATUAK IZAN DAITEZEN HARTZEN DIREN NEURRIEN ZERRENDA.

1.-EAE-ANV Udal Taldeak zein hautetsi bakoitzak dituen eskubide guztiak bermatuak izango dira.

2.- EAE-ANV Udal Taldeari bere izena eta izaera errespetatuko zaio.

3.- EAE-ANV Udal Taldeak zein hautetsiek udal jardueran era normalizatu batetan parte hartzeko aukera guztiak izango dutela bermatuko da, beste Udal Talde eta hautetsiek izango dituzten berdinak, hain zuzen ere.

4.- EAE-ANV Udal Taldeko hautetsiek udalaren ordezkari gisa bestelako erakundeetan dituzten ardurak eta karguak gorde eta era normalizatu batetan bete ahal izango dituztela bermatuko da.

5.- EAE-ANV Udal Taldeak zein hautetsiek beraien lana garatzeko dituzten udal tresna eta baliabide zein diru ekarpen guztiak bermatuko zaizkie.

6.- Erabaki honen ondorioz EAE-ANV Udal Taldeak edo hautetsiek jaso dezaketen eskubide urraketa edota ondorioen aurrean Udalak bere babes eta laguntza osoa eskainiko du.

Bozketa egiteko proposatu du Alkateak. Proposamenaren alde bozkatu dute, Luis Arzallus Amenabar, Iosune Arruti Eizagirre eta Jose Luis Albisua Lasak, kontrako botorik ez dago eta abstentzioak Iñaki Oiartzabal Zinkunegi, Joseba Iñaki Labaka Beristain, Bittor Astigarraga Zugasti eta Luis Berrondo Lanceta. Beraz, proposamena onartua gelditzen da.

Beste gairik ez dagoenez, gaueko bederatziak eta erdi direnean, Alkateak ez ohiko eta urgentziatzko udalbatzar hau amaitutzat ematen du eta nik, Idazkari gisa Akta jaso dut.

Alkateak

B. Idazkari Kontuhartzaileak